

# LAYLATUL QADR & JUMMAHTUL WIDA

COMPRENDRE L'ISLAM DE L'INTÉRIEUR

Pendant bans dix dernier jours de Ramdhan, ena deux évènements ki plusieurs musulmans donne plus l'importance ; **ene c'est le Laylatul Qadr ; la nuit du destin et deuxième c'est le Jummahtul Wida ; ki connu comme le dernier Jummah de Ramdhan.** La nuit de Qadr ena ene réel importance, et sa fine prouver dans bannes Hadith et le Quran. Mais, en ceki concerne le Jummahtul Wida, sa li ene concept ki plusieurs bans musulmans et érudits finne créer par zotte meme, à travers zotte propres interprétations, ki pas correcte.

## LAYLATUL QADR

Bannes différent narrateurs ki finne rapporte bans Hadith ine donne différents dates pour la Nuit du Destin. **Certains dire li le 21e nuit, lezotte dire li le 23e nuit de Ramadhan tandis ki ena ki sure ki c'est le 27e nuit.**



En général, selon la tradition, bizin rode le **Laylatul Qadr dans dix derniers nuits de Ramadhan.** Allah Ta'ala ti donne date exact de sa la nuit la au Saint Prophète (saw).

Mais, aköz erreur de deux musulmans, **le Saint Prophète (saw) finne oublier date exacte la.** Li pas ti ene kitsoz ordinaire sa, pou ki le Saint Prophète (saw) conne exactement kan la nuit de Qadr pou ena lieu et donc li ti bien envi partage sa avec bannes croyants.



D'après Hadith, apres ki li finne conne date exacte, le Saint Prophète (saw) ti sorti depi so lacaze avec la joie pou informe so bans compagnons.

# LAYLATUL QADR

---

Mais en chemin, li fine trouve deux musulmans pe disputé et li fine arrêter pou réconcilier banla et suite a sa, **li fine oublier date exacte la.**




Hazrat Musleh Maoud (ra) dire ki non seulement le Saint Prophete (saw) finne oublier date la, mais en fait, sa connaissance la finne enlevé par Allah Li meme. Suite à sa, nous finne gagne commandement pou rode sa la nuit la dans bannes 10 dernier nuits non-paire de Ramadhan, **c.a.d le 21e/23e/25e/27e/29e nuit de Ramadhan.**

**La Nuit du Destin c'est moment cote bans dua accepter** et pou ene croyant, pena narien plus important ki trouve so dua accepter depi Allah Ta'ala. **Nous bisin faire zeffors pou faire bans tels sacrifices ki pou accepter par Allah.** Pendant la Bataille de Badr, bans musulmans ainsi ki bans mécréants fine perdi la vie.



Mais bannes mécréants pas ti perdi la vie pendant la nuit du destin alors ki bannes musulmans finne perdi la vie pendant sa la nuit la, ene signe d'acceptation de zot sacrifice de la part d'Allah Ta'ala.



Nous bans efforts dans sa Ramadhan la bizin aussi vise **pou enlève bans différences et bans désaccords personnels afin ki nous capave mérite bénédiction et faveurs de la Nuit du Destin.**

Finne confier nous 2 travay bien important : **rehausse niveau de nous l'adoration envers Allah et élimine bans différences entre nous prochain.** Si nous accompli sa travay la, li impossible ki ena kitte division entre nous. Nous pou compran vrai signification de Laylatul Qadr kan nous pou faire sa zeffor la.

Le Messie Promis (as) ti dire :

**« Pour ene dimoune, la Nuit du Destin c'est moment pou li purifier li meme. »**

Donc, c'est sa qualité Laylatul Qadr la meme ki nous bisin roder.

# JUMMAHTUL WIDA

Deuxième kitsoz c'est le Jummahtul Wida. A propos sa, ena bannes concepts bien bizarres ki finne former. C'est Allah Ta'ala So la grâce meme sa ki Li finne faire nous accepter l'Imam de l'époque afin ki nous kapave ress loin de bannes mauvais concept et ene Ahmadi bisin définitivement débarrasse li de tous kitsoz ki pas correct.

**Bans non-Ahmadis penser ki meme si zotte finne ratte ene namaz consciemment pendant l'année, si zotte assister dernier Jummah de mois de Ramadhan, be lerla Allah pou pardonne zot pou sa et zotte pou purifier zot mem de tous kitsoz ki malsain.**

**FALSE**



**Zot penser aussi ki tous bénédiction ki exister, kapav gagne zot a travers dernier Jummah de Ramadhan.** D'après zot compréhension, Allah So Divinité (ki Allah protège nous contre sa), dépanne lor sa 4 sajdah ki zot pou faire sa jour la parski c'est ene grand faveur ki zot pé faire. (pou zot, sa 4 sajdah ki zot faire sa jour la ena ene tel valeur ki Allah So Divinité obligé dans ene façon courber devant sa et accorde zot tous banne bénédiction ki exister).

**Pena aukene bénéfice pou banne tels dimounes dans Ramadhan, ou meme dans Laylatul Qadr.**

C'est Allah ki fine donne nous la vie et Li fine ordonne ene but pour sa la vie la, couma Li dire :



**« Et Mo pa finne créé banne djinns et banne dimounes mais pou ki zotte adore Moi. »**

(51:57)

**Sa adoration la pas attaché à ene jour spécifique ou ene vendredi spécial !** Sa li signifier ki chaque Salat et chaque vendredi zot obligatoire, en plus de bans Namaz optionnelles ki nous faire selon nous capacité. Puisque l'adoration c'est but principal de nous création, nous bizin donne li beaucoup l'attention, surtout parski li dans nous propre l'intérêt ! Allah So Divinité pas pou effacer jamais, meme si nous faire So adoration ou pas. Mais, kan nous faire So adoration, en plus de So bans faveurs, nous pou aussi jouir de So bénédiction.


# JUMMAHTUL WIDA



Pas penser ki dernier Vendredi de Ramdhan signifier ki aster Ramadhan pe aller. Nous bisin profite de sa dernier Vendredi la dans ene telle façon ki nous préserve bannes bénédictions du mois de Ramadhan dans nous le cœurs tout le temps. **Le Saint Prophète (saw) fine dire ki Vendredi li ene Eid et bans Hadith montré qui ena ene moment dans vendredi cote bans dua gagne ene acceptation spéciale. Nous bizin profite de sa bénédiction la.**

Bans Ahmadis pas alle dans bans masjid le dernier vendredi de Ramadhan pour dire à Allah qui zotte content Ramadhan pe allé. Banla alle masjid sa jour la pour profite de bans moments bénis de sa jour la et faire Du'a qui :

**« Ô Allah, même si Ramadhan pou fini dans quelques jours, faire ki l'esprit de Ramadhan ress dans nous les cœurs tout letemps et faire ki bans adorations et bans bons actions qui nous fine faire la-dans jamais zotte quitte nous ! »**



Si nous adopter sa attitude là, nous pou vraiment servi sa jour la dans ene façon bénie. Mais si nous oublier bans bonnes actions et bans vertus qui nous fine pratiqué dans Ramadhan, sa pou ene grand malheur pou nous meme.

**Ki Allah faire ki nous comprend vrai signification de dernier vendredi de Ramadhan et de Laylatul Qadr. Et ki nous la Nuit du Destin continué amène nous vers le sommet de bans succès. Ki Allah faire ki sa dernier Vendredi de Ramadhan la, ki certains appelle Vendredi d'Adieu, pas vine ene moyen pour quitte bans bénédictions de Ramadhan, mais au contraire, ki so bans faveurs vine ene partie de nous la vie et ki nous continué accomplir l'objectif pour lequel le Saint Coran fine être révélé. Ameen.**



(Source : Khutbah Jumma 25.07.2014)